

Powšitkowne WOZJEWJENJA

njedźelu, 13. julija 2014

Putnikowanje džěci

Džěci ze wšitkich serbskich wosadow su srjedu, 23. julija, pod hesłom „Wotewr mje, twoje słowo je mi kluč“ na putnikowanje do Róžanta přeprašene. Boža mša budže w 10.30 hodź. w hnadownej cyrkwi. Po mjezyprogramje so putnikowanje z nyšporom w 13.00 hodź. zakónči.

Kemše w Smječkecach

W Domje swjateho Jana w Smječkecach budže farar dr. Michael Kleiner njedźelu, 20. julija, w 9.30 hodź. Božu mšu swječić. Tamniša wohnjowa wobora „Elsa Brändström“ wopomina 60. róčnicu swjeho založenja.

Kemše w Krupce

Na putniku Božu mšu srjedu, 30. julija, w 10 hodź. w Krupce pojedže zaso bus. Štóž chce sobu jěć, njech přizjewi so hač do pjatka, 25. julija, pola Šmitec wozydłownistwa w Radworju, telefonowe čisło (03 59 35) 28 60.

Městno za swobodne socialne lěto

Dom swjateje Ludmile w Chróscicach ma swobodne městno za swobodne socialne lěto. Štóž nima po šulskim zakónčenju hišće žanu perspektiwu a je mjez 16 a 27 lětami stary, móže čas wužić, so powołansce orientować a něšto cyle praktiske činić. Nadrobne informacije podawaja so pod www.dicvdresden-meissen.caritas.de abo pod telefonowym čislom (03 57 96) 94 73 30.

10. serbski swjedzeń we Wuježku

Serbske ewangelske towarstwo přeprašuje sobotu, 19. julija, na swoje swójbne pućowanje do Wuježka pod Čornobohom. Zetkamy so w 13 hodź. pola Krygarjec (čisło 31A) we Wuježku abo w 13.15 hodź. na parkowanišću mjez Splóskom (Pielitz) a Schönbergom. Wottam chcemy přez Hromadnik a Čertowe wokno na Čornobóh a dale do Wuježka pućować. Při Čertowym woknje wočakuje džěci zaso mała překwapjenka. Njezabudźće na krute črije a dołhe cholowy! Po puću njech so kóždy sam ze swjeho nachribjetnika zastara.

Po zwučenym wašnju přizamknje so w 17 hodź. nutrnosť ze superintendentom Janom Malinkom na Pawlikec/Dejkec statoku. Wot 18.00 hodź. předstaji skupinka Łukate z Lipska swój program. W bróžni budže bifej natwarjeny. Štóž chce něšto k bifejej přinošować abo dwór sobu spřihotować, njech so prošu pod telefonowym čislom (03 59 39) 8 05 02 přizjewi abo mejlku napisa na mato.krygar@web.de. Wutrobnje witani su tež wšitcy cí, kotřiž chcedža hakle na nutrnosť abo program přińć.

Krygarjec swójbja z Wuježka